



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 4. Tumultus ingens Lugduni Batavorum ab Opiscum ministris excitatus.

---

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII. frequenti Batavorum Ordinum Con-  
A. C. 1618. ventu vehementer contra Arminianos  
 declamabat : ast ejus orationi mox a  
 Taurino Arminiano opposita prodiit Sa-  
 tyra , quæ *Lancis Trutinantis* titulum  
 præseferbat : cujus tamen usum , &  
 lectionem , urgente Oratore Regis , gravi  
 subjacere multæ pœnæque , declaraba-  
 tur , ac præterea ei , qui typographum  
 indicasset , indicii pretium , aurei Ca-  
 rolini sexcenti , nomen autem Autho-  
 ris detegenti , mille decernebantur ; de-  
 nique Fæderati Belgii Ordines datis ad  
 urbium Magistratus , ceterosque Ordines  
 literis jubebant , ut milites nuper  
 conducti nulla mora a signis suis di-  
 mitterentur.

## §. IV.

*Tumultus ingens Lugduni Batavo-  
 rum ab Opificum ministris ex-  
 citatus.*

*Merc. Gal-  
 lobelg. t. 12.  
 lib. 1.  
 Newill. pag.  
 118.*

Interea Lugdunensis Senatus , qui Ar-  
 minianis adhærebat , præter consue-  
 tum præsidium duas militum cohortes  
 conscripserat , quas *Exspectantes* voca-  
 bant , quia nonnisi Ordinum jussa se ex-  
 pectaturos jurabant , & nec Mauriti  
 Principis colore in vestibus suis uteban-  
 tur , nec etiam ejus insignia in vexillis  
 gestabant : id vero indigne ferentibus  
 qui-

quibusdam opificum famulis, die septima Octobris ingens in urbe tumultus oriebatur; cum enim ex his quidam militi colaphum impegisset, mox ceteri fustibus & lapidibus milites impetunt, ac *Vivat Nassovius* exclamantes, tanto impetu in hos prouunt, ut illos, cæsis jam utrinque, ac faucibus quamplurimis, in fugam agerent, tumultu non nisi Magistratus auctoritate sedato. Postea Fœderati Ordines Gomaristis addicti, datis ad varias urbes literis, questi sunt, quod proprio placito milites conscribere præsumpsissent, id vero in sui defensionem aduersus plebis tumultus factum reponentibus Arminianis, Roterodamenses aliarumque urbium ciues acrius in Gomaristas insurgabant, eosque e Templis expulsos pro suis declamationibus ad privatas domos confugere cogebant. E contrario autem Gomaristæ aduersus quinque Arminianorum articulos de Prædestinatione & aduersus Religionis controversias decidendi jus Politico Magistratui adjudicatum declamabant, statuentes, Nationalem Synodum a Fœderatis Ordinibus esse convocandam, non vero, uti Arminiani contendebant, *Provincialem* duntaxat a privatis Hollandiæ, aliarumque particularium Provinciarum indicendam: Ceterum Barnefeldius, ceterique

Sæc. XVII.  
A. C. 1618.

Sæc. XVII.  
A. C. 1618.  
Anno 1579.

rique Arminiani, Nationalem Synodum non quidem respuebant, hanc tamen legitimam, atque a partium studio alienam celebrari, ibidemque legem Ultrajecti stabilitam observari cupiebant, vi cujus res Ecclesiasticæ cuique particulari Provinciæ fuerant reservatæ, quamvis postea Ordines, ut vocant, Generales tanquam supremi Principes post prætensam reformationem leges Ecclesiasticas condendi potestatem sibi solis vendicarint.

## §. V.

*Varii libri & propositiones a Sorbona damnatæ.*

*Argentre  
Concl. S. Facult. Theol.  
tom. 2. pag.  
100.*

Cum Sacra Theologorum Facultas Parisiensis semper intenta esset, ne errorum, ac hæresum virus in plebem Christianam serperet, eodem adhuc studio permota die prima Januarij sequentem proscripsit propositionem: *Tanta fides adhibenda est responsis dæmonis exorcisati in corpore humano existentis vi & virtute exorcismi, quanta Deo ipsi loquenti;* Die autem prima Mensis Aprilis prævio examine eadem Facultas declarabat, quod Francisci Monginothi Regii Medici liber, cui titulus: *Enodatio dubiorum, seu Epitome decisionum inter Ecclesias reformatam & Catholicam confarcinatus*